



28.01.2018
01/2018

Broj: 02-05-1224-4/18
Sarajevo, 18.01.2018. godine

PRIMLJENO 23-01-2018

Organizaciona jedinica	Klasifikacija	Redni broj	Godina
01/01-	34-	0108/18	

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 – Novi prečišćeni tekst i 37/14 - Ispravka), i člana 4. Zakona o posredovanju u zapošljavanju i socijalnoj sigurnosti nezaposlenih osoba ("Službene novine Kantona Sarajevo", br. 4/04, 29/09 i 18/13), Vlada Kantona Sarajevo na 111. sjednici održanoj 18.01.2018. godine, donijela je slijedeći

ZAKLJUČAK

1. Utvrđuje se Program o izmjenama i dopunama Programa mjera za podsticaj zapošljavanja i održavanja više stope zaposlenosti u Kantonu Sarajevo u 2017. godini, koji je sastavni dio ovog Zaključka.
2. Za realizaciju Programa iz tačke 1. ovog Zaključka zadužuje se Javna ustanova „Služba za zapošljavanje Kantona Sarajevo“ Sarajevo.



Dostaviti:

1. Predsjedavajuća Skupštine Kantona Sarajevo
2. Premijer Kantona Sarajevo
3. Ministarstvo za rad, socijalnu politiku, raseljena lica i izbjeglice Kantona Sarajevo
4. Ministarstvo privrede Kantona Sarajevo
5. JU „Služba za zapošljavanje Kantona Sarajevo“ Sarajevo (putem Ministarstva za rad, socijalnu politiku, raseljena lica i izbjeglice Kantona Sarajevo)
6. Evidencija
7. Arhiva



0101-34-0108-2/18

Bosna i Hercegovina
Federacija Bosne i Hercegovine
KANTON SARAJEVO
Vlada



Bosnia and Herzegovina
Federation of Bosnia and Herzegovina
CANTON SARAJEVO
Government

Broj:02-05-1224-4.1/18
Sarajevo, 18.01.2018.godina

Na osnovu člana 4. stav (1), a u vezi čl. 9 i 10. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", br. 4/04, 29/09 i 18/13), a na zajednički prijedlog Ministarstva za rad, socijalnu politiku, raseljena lica i izbjeglice Kantona Sarajevo, Ministarstva privrede Kantona Sarajevo i Javna ustanova "Služba za zapošljavanje Kantona Sarajevo" Sarajevo, Vlada Kantona Sarajevo je na 111 sjednici održanoj 18.01.2018. godine u t v r d i l a:

PROGRAM

o izmjenama i dopunama Programa mjera za podsticaj zapošljavanja i održavanja više stope zaposlenosti u Kantonu Sarajevo u 2017. godini

Član 1.

U Programu mjera za podsticaj zapošljavanja i održavanja više stope zaposlenosti u Kantonu Sarajevo u 2017. godini broj:02-05-20150-13.1/17, utvrđen Zaključkom Vlade Kantona Sarajevo broj: 02-05-20150-13/17 od 02.06.2017. godine i broj: 02-05-32196-4.1/17 utvrđen Zaključkom Vlade Kantona Sarajevo broj: 02-05-32196-4/17 od 02.11. 2017.godine, u članu 2. iza tačke 10, dodaju se nove tačke 11., 12., 13.,14., i 15. koje glase:

11. Program sufinansiranja zapošljavanja „Prilika za sve“;
12. Program sufinansiranja zapošljavanja asistenata na fakultete „150+“;
13. Program obuke IT programera;
14. Program obuke, dokvalifikacije i prekvalifikacije nezaposlenih osoba za poznatog poslodavca,
15. Program sufinansiranja zapošljavanja doktora medicine.“

Član 2.

Član 3. mijenja se i glasi:

„Član 3.

(1) Finansijska sredstva koja se utvrđuju za realizaciju Programa iznose 9.239.615,00 KM i obezbjeđuju se u skladu sa finansijskim planovima prihoda i izdataka JU "Služba za zapošljavanje Kantona Sarajevo" Sarajevo za 2017. godinu, a raspoređuju se na slijedeći način:

a) Programi u realizaciji:

1. Program javnih radova – 428.742,00 KM za 300 nezaposlenih osoba;

2. Program sufinansiranja zapošljavanja pripravnika VSS, VŠS, SSS i KV stručne spreme kod poslodavaca sa većinskim privatnim vlasništvom – 594.000,00,00 KM za 100 pripravnika i to: 70 VSS i VŠS i 30 SSS i KV stručne spreme;
3. Program sufinansiranja zapošljavanja pripravnika VSS, VŠS, SSS i KV stručne spreme u javnom sektoru – 308.000,00 KM za 52 pripravnika i to: 36 VSS i VŠS i 16 SSS i KV stručne spreme;
4. Program obuke za socijalno osjetljive kategorije nezaposlenih osoba – 5.850,00 KM za 13 nezaposlenih osoba iz ciljne skupine;
5. Klub za traženje posla – 12.000,00 KM za 1000 polaznika;

b) Novi programi:

1. Program sufinansiranja zapošljavanja pripravnika sa stečenom diplomom visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja koji se vrednuje sa 240 ECTS studijskih bodova ili drugog ili trećeg ciklusa Bolonjskog sistema studiranja, pravne struke - 360.000,00 KM za 25 nezaposlenih osoba iz ciljne skupine;
2. Program sufinansiranja zapošljavanja osoba osposobljenih za rad na prevenciji maloljetničke delikvencije i/ili za rad sa djecom sa posebnim potrebama – 1.008.000,00 KM za 105 nezaposlenih osoba iz ciljne skupine skupine;
3. Program sufinansiranja zapošljavanja „Zlatna značka“ – 312.000,00 KM za 20 nezaposlenih osoba iz ciljne skupine;
4. Program finansiranja i sufinansiranja zapošljavanja osoba sa invaliditetom – 149.558,00 KM za najmanje 12 nezaposlenih osoba iz ciljne skupine;
5. Program obuke nezaposlenih osoba za samozapošljavanje – 17.850,00 KM za 30 nezaposlenih osoba.

c) Programi po izmjenama i dopunama finansijskog plana Službe za 2017.godinu:

1. Program sufinansiranja zapošljavanja „Prilika za sve – 1.440.000,00 KM za 400 nezaposlenih osoba“
2. Program sufinansiranja zapošljavanja asistenata na fakultete „150+“- 2.340.000,00 KM za 150 nezaposlenih osoba iz ciljne skupine;
3. Program obuke IT programera – 1.099.000,00 KM za najmanje 100 nezaposlenih osoba;
4. Program obuke, dokvalifikacije i prekvalifikacije nezaposlenih osoba za poznatog poslodavca – 72.215,00 KM za najmanje 24 nezaposlene osobe,
5. Program sufinansiranja zapošljavanja doktora medicine – 1.092.000,00 KM za 70 nezaposlenih osoba doktora medicine.“

Član 3.

Iza člana 8e. dodaju se članovi 8f., 8g., 8h.,8i., i 8j i glase:

„Član 8f.

PROGRAM SUFINANSIRANJA ZAPOŠLJAVANJA „PRILIKA ZA SVE“

- (1) Program sufinansiranja zapošljavanja „Prilika za sve“ (u daljem tekstu: Program „Prilika za sve“) realizuje se zapošljavanjem nezaposlenih osoba kod poslodavaca sa područja Kantona Sarajevo, prijavljenih na evidenciju nezaposlenih Službe prije objavljivanja javnog poziva za ovaj program.
- (2) Cilj Programa „Prilika za sve“ je obezbjeđenje potrebne kvalifikacione strukture radne snage i kraće trajanje nezaposlenosti.
- (3) U Programu „Prilika za sve“ prednost za učešće imaju nezaposlene osobe: demobilisani borci, djeca demobilisanih boraca, šehidske porodice, RVI, djeca RVI koja imaju 100 % procenat invalidnosti, djeca dobitnika najvećih ratnih priznanja, civilne žrtve rata, osobe koje su na evidenciji nezaposlenih najmanje 24 mjeseca prije objave javnog poziva, bivši šticećenici domova za djecu bez roditeljskog staranja, liječeni ovisnici o psihoaktivnim supstancama, Romi, osobe koje ostvaruju pravo na dječiji dodatak i njihova djeca, lica sa invaliditetom i lica koja ostvaruju pravo na novčanu naknadu za vrijeme čekanja na zaposlenje, samohrani roditelji i njihova djeca, korisnici javnih kuhinja, osobe sa statusom člana domaćinstva u kome ni jedan član nije zaposlen i nezaposlene osobe iz savjetodavnog procesa, a koje imaju individualni plan zapošljavanja sačinjen od strane savjetodavca u birou.
- (4) Služba će poslodavcima koji budu obuhvaćeni ovim programom, mjesečno, 6 mjeseci, refundirati sredstva u ukupnom iznosu od 600,00 KM, po novouposlenoj osobi, za dio isplate plaća i uplatu zakonom propisanih poreza i doprinosa.
- (5) Poslodavci koji žele učestvovati u Programu „Prilika za sve“ dužni su:
 1. podnijeti aplikaciju u roku predviđenom u javnom pozivu,
 2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) i broj računa u banci (ako je poslodavac budžetski korisnik šifra budžetskog korisnika), sve u originalu ili ovjerenoj fotokopiji.
- (6) Poslodavci koji redovno ne izmiruju obaveze uplate javnih prihoda ne mogu učestvovati u Programu „Prilika za sve“, osim u slučaju kad poslodavac ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je poslodavac dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da poslodavac vrši uplate po potpisanom ugovoru, kao ni poslodavci koji nemaju radnika prijavljenih na penzijsko-invalidsko osiguranje.

(7) Kriteriji za vrednovanje aplikacija su:

1. djelatnost poslodavca: proizvodna i turistička - 4 boda, ostale djelatnosti – 2 boda,
2. poslodavci koji trenutno nisu korisnici programa sufinansiranja zapošljavanja koje finansira Vlada Federacije Bosne i Hercegovine, Federalni zavod za zapošljavanje i Služba – 2 boda;
3. poslodavci sa trenutnim brojem zaposlenih: do 10 osoba – 1 bod, od 11 do 30 osoba – 2 boda, od 31 do 50 osoba – 3 boda i preko 50 osoba – 4 boda,
4. poslodavci kod kojih je došlo do povećanja broja zaposlenih u odnosu na prethodni program sufinansiranja zapošljavanja koji su koristili, a koji je okončan – 3 boda,
5. poslodavci koji su osnovani u 2017.godini: 2 boda, ostali poslodavci 1 bod.

(8) Kod istog broja bodova prednost se daje poslodavcu koji je prije podnio aplikaciju za učešće u ovom programu.

(9) Poslodavci korisnici ovog programa dužni su u radnom odnosu zadržati postojeći broj radnika koji su imali u momentu podnošenja zahtjeva, uvećan za broj sufinansiranih osoba, osim u slučajevima odlazaka u penziju postojećih radnika.

(10) Izuzetno, odredbe stava (9) ovog člana, ne odnosi se na poslodavce iz javnog sektora.

(11) Nezaposlene osobe koje žele da učestvuju u Programu „Prilika za sve“, moraju biti prijavljene na evidenciju nezaposlenih Službe, prije objave javnog poziva za ovaj program i dalje, sve do potpisivanja ugovora o radu sa poslodavcem kojem su odobrena sredstva po Programu „Prilika za sve“.

(12) Vrednovanje aplikacija se vrši na osnovu utvrđenih kriterija u ovom članu i utvrđuje se prijedlog liste poslodavaca za učešće u Programu „Prilika za sve“. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste poslodavaca, direktor Službe zaključuje ugovore sa aplikantima čije aplikacije za učešće u Programu „Prilika za sve“ su prihvaćene i eventualne anexe ugovora.

(13) Ugovorom iz stava (12) ovog člana uređuju se prava i obaveze Službe i poslodavca, pravo poslodavca za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 6 mjeseci, obavezu isplate naknada i pripadajućih poreza i doprinosa za zaposlenu osobu, zadržavanje u radnom odnosu isti broj zaposlenika koji je zatečen u periodu od podnošenja zahtjeva do isteka sufinansiranja, obavezu pravdanja pomenutih troškova i dr.

(14) Rok za realizaciju Programa „Prilika za sve“ je 9 mjeseci od dana potpisivanja pojedinačnih ugovora iz stava (12) ovog člana, uključujući i eventualne anexe ugovora.

Član 8g.

PROGRAM SUFINANSIRANJA ZAPOŠLJAVANJA ASISTENATA NA FAKULTETE „150+“

- (1) Program sufinansiranja zapošljavanja asistenata na fakultete „150+“ (u daljem tekstu: Program „150+“), realizuje se zapošljavanjem visokoobrazovanih stručnih osoba na pozicije asistenata u visoko školskim ustanovama – fakultetima, organizacionim jedinicama u sastavu Univerziteta u Sarajevu.
- (2) Cilj Programa „150+“ je novo zapošljavanje i obezbjeđenje potrebne kvalifikacione strukture radne snage.
- (3) U programu „150+“ u skladu sa internim aktima svakog fakulteta pojedinačno, zapošljavaju se nezaposlene visokoobrazovane stručne osobe, prijavljena na evidenciju nezaposlenih Službe.
- (4) Služba će fakultetima koji budu obuhvaćeni ovim programom, mjesečno, u periodu od 12 mjeseci, refundirati sredstva u ukupnom iznosu od 1.300,00 KM po novouposlenoj osobi za dio isplate plaća i uplatu zakonom propisanih poreza i doprinosa.
- (5) Fakulteti koji žele da učestvuju u Programu „150+“ dužni su:
 1. podnijeti aplikaciju u roku predviđenom u javnom pozivu,
 2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva sa listingom o trenutnom broju zaposlenih (izdat od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdat od strane Uprave za indirektno oporezivanje Bosne i Hercegovine) i broj računa u banci (ako je poslodavac budžetski korsnik šifra budžetskog korisnika), sve u originalu ili ovjerenoj fotokopiji.
- (6) Fakulteti koji redovno ne izmiruju obaveze uplate javnih prihoda ne mogu učestvovati u Programu „150+“, osim u slučaju kad fakultet ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je fakultet dužan dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da fakultet vrši uplate po potpisanom ugovoru.
- (7) Kriteriji za vrednovanje aplikacija su:
 1. fakulteti koji zaposlenike traže za naučno-istraživački, odnosno istraživačko-razvojni rad – 4 boda,
 2. fakulteti koji zaposlenike traže za naučno-nastavni, odnosno umjetničko-nastavni rad – 3 boda,
 3. fakulteti koji su bili korisnici Programa „Zlatna značka“ i koji su po isteku perioda sufinansiranja zadržali sve ili dio sufinansiranih osoba – 3 boda,

4. fakulteti koji trenutno nisu korisnici programa sufinansiranja zapošljavanja koje finansira Vlada Federacije Bosne i Hercegovine, Federalni zavod za zapošljavanje i Služba – 2 boda.
- (8) Kod istog broja bodova prednost se daje fakultetu koji je prije podnio aplikaciju za učešće u ovom programu.
- (9) Prijedlog liste poslodavaca za učešće u ovom programu, na osnovu dostavljene liste od strane Službe biće sačinjen uz saglasnost Ministarstva za obrazovanje, nauku i mlade Kantona Sarajevo i Univerziteta Sarajevo, a cjeneći stvarne pojedinačne potrebe po zanimanjima za svaki fakultet.
- (10) Vrednovanje aplikacija se vrši na osnovu utvrđenih kriterija u ovom članu i prijedloga iz prethodnog stava, te se utvrđuje prijedlog liste fakulteta za učešće u Programu „150+“. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste fakulteta, direktor Službe zaključuje ugovore sa aplikantima čije aplikacije za učešće u Programu zapošljavanja „150+“ su prihvaćene i eventualne anexe ugovora.“
- (11) Ugovorom iz stava (10) ovog člana uređuju se prava i obaveze Službe i fakulteta, pravo fakulteta za izbor nezaposlene osobe i obavezu zaključivanja ugovora o radu sa nezaposlenom osobom sa punim radnim vremenom na period od najmanje 12 mjeseci, obavezu isplate naknada i pripadajućih poreza i doprinosa za zaposlenu osobu, obavezu pravdanja pomenutih troškova i dr.
- (12) Rok za realizaciju Programa „150+“ je 18 mjeseci od dana potpisivanja ugovora iz stava (11) ovog člana, uključujući i eventualne anexe ugovora.

Član 8h.

PROGRAM OBUKE IT PROGRAMERA

- (1) Program obuke IT programera (u daljem tekstu: Program obuke), realizuje se obukom nezaposlenih osoba za IT programere u trajanju do 12 mjeseci, a prema potrebama poslodavaca u Kantonu Sarajevo.
- (2) Cilj Programa obuke je obezbjeđenje potrebne kvalifikacione strukture radne snage.
- (3) Pravo učešća u Programu obuke imaju nezaposlene osobe, prijavljene na evidenciju nezaposlenih Službe, prije objave javnog poziva za ovaj program, a koje imaju osnovne pretpostavke i znanja da pohađaju obuku za IT programera.
- (4) Izbor i selekciju nezaposlenih osoba za učešće na obuci, na prijedlog Službe, vršit će izvođač obuke, a sa izabranim nezaposlenim osobama biće potpisani ugovori kojim će se regulisati prava i obaveze.
- (5) Izvođač obuke će biti izabran u skladu sa zakonom propisanim procedurama.

- (6) Rok za realizaciju Programa obuke je 16 mjeseci od dana izbora izvođača obuke.
- (7) Izvođač obuke IT programera, morat će imati saglasnost Ministarstva za obrazovanje, nauku i mlade Kantona Sarajevo na predloženi plan i program obuke IT programera, predračun troškova i elaborat o opravdanosti obuke.

Član 8i.

PROGRAM OBUKE, DOKVALIFIKACIJE I PREKVALIFIKACIJE NEZAPOSLENIH OSOBA ZA POZNATOG POSLODAVCA

- (1) Program obuke, dokvalifikacije i prekvalifikacije nezaposlenih osoba za poznatog poslodavca (u daljem tekstu: Program obuke) realizuje se obukom, dokvalifikacijom i prekvalifikacijom nezaposlenih osoba sa evidencije nezaposlenih u Kantonu Sarajevo za poznatog poslodavca.
- (2) U smislu ovog programa:
 - Obuka je sticanje znanja i vještina za obavljanje složenijih poslova koji su srodni osnovnom zanimanju nezaposlene osobe;
 - Dokvalifikacija je stručno osposobljavanje u cilju postizanja viših stepena znanja i vještina u okviru postojećeg zanimanja;
 - Prekvalifikacija je obrazovanje u kojem nezaposlena osoba stiče znanja i vještine za drugo zanimanje u odnosu na postojeće.
- (3) Dužina trajanja obuke, dokvalifikacije i prekvalifikacije je maksimalno 6 mjeseci i može se realizovati:
 - u ustanovama, centrima za obuku ili drugim organizacijama koje su registrovane za ovu vrstu djelatnosti,
 - kod poslodavca po internom programu,
 - kombinovano.
- (4) Ukoliko se obuka, dokvalifikacija i prekvalifikacija vrši kod poslodavca ili kombinovano, poslodavci su dužni o svom trošku polaznike osigurati za slučaj povrede na radu i profesionalnog oboljenja u skladu sa važećim propisima, a Služba će putem resornog ministarstva i Vlade Kantona Sarajevo, obavjestiti inspekcijske organe o realizaciji programa, a u svrhu izbjegavanja karakterisanja ovog angažmana kao "rad na crno".
- (5) U cilju provođenja ovog programa Služba će poslodavcima korisnicima ovog programa za novo zapošljavanje, finansirati troškove obuke, dokvalifikacije i prekvalifikacije nezaposlenih osoba u maksimalnom iznosu do 3.000,00 KM, uz obavezu poslodavca da osobe čije se obuke, dokvalifikacij i prekvalifikacije finansiraju po okončanju iste, zaposli na period od najmanje 6 mjeseci.
- (6) Ako su troškovi obuke, dokvalifikacije/prekvalifikacije veći od 3.000,00 KM, isti padaju na teret poslodavca.

- (7) Služba će plaćanje obaveza po ovom programu vršiti direktno izvođaču obuke, dokvalifikacije i prekvalifikacije nakon završetka iste i dostavljanja dokaza da su polaznici završili obuku, dokvalifikaciju ili prekvalifikaciju (certifikat, potvrda ili drugi validni dokazi), fakture za plaćanje i izvještaja o provedenoj obuci od strane izvođača obuke, dokvalifikacije/prekvalifikacije.
- (8) Kao instrument obezbjeđenja sredstava u slučaju da poslodavci ne ispoštuju ugovorom preuzete obaveze za iznose do 8.800,00 KM uzimat će se bjanko mjenica, a za iznose preko 8.800,00 KM, poslodavci su dužni da obezbjede garanciju banke. Povrat sredstava vršit će se srazmjerno neizvršenju ugovornih obaveza i biće preciziran u ugovorima o finansiranju za svakog poslodavca pojedinačno.
- (9) Poslodavci korisnici ovog programa dužni su u radnom odnosu zadržati postojeći broj radnika koji su imali u momentu podnošenja zahtjeva, osim u slučajevima odlazaka u penziju postojećih radnika.
- (10) Poslodavci koji žele da učestvuju u ovom programu dužni su podnijeti:
- Aplikaciju za finansiranje obuke, dokvalifikacije/prekvalifikacije u roku predviđenim javnim pozivom,
 - Rješenje o registraciji sa identifikacionim brojem,
 - Uvjerenje o izmirenim obavezama po osnovu poreza i doprinosa ne starije od 30 dana od dana podnošejna aplikacije sa listingom o trenutnom broju radnika,
 - Plan i program obuke, dokvalifikacije/prekvalifikacije ovlaštene ustanove, centra za obuku ili druge organizacije koje su registrovane za ovu vrstu djelatnosti ili poslodavca ako se obuka izvodi kod poslodavca,
 - Predračun troškova izvođača obuke, dokvalifikacije/prekvalifikacije,
 - Elaborat o opravdanosti zahtjeva za obuku, dokvalifikaciju/prekvalifikaciju,
 - Izjavu ovjerenu kod općinskog organa da su saglasni da rezultati javnog poziva budu objavljeni na web stranici JU "Služba za zapošljavanje Kantona Sarajevo" – Sarajevo.
- (11) Poslodavci koji ne izmiruju redovno obaveze uplate javnih prihoda, ne mogu učestvovati u ovom programu, osim u slučaju kad poslodavac ima potpisan ugovor sa Porezom upravom o uplati duga na rate.
- (12) Kriteriji za vrednovanje aplikacija su:
1. Djelatnost poslodavca:
 - a) proizvodna i turistička djelatnost – 4 boda;
 - b) ostale djelatnosti – 1 bod;
 2. Cijena obuke po osobi:
 - a) do 1.000,00 KM – 3 boda;
 - b) od 1.001,00 KM do 2.000,00 KM – 2 boda;
 - c) od 2.001,00 KM do 3.000,00 KM – 1 bod.
 3. Trenutni broj zaposlenih:
 - a) do 10 trenutno zaposlenih – 1 bod;
 - b) od 11 do 20 trenutno zaposlenih – 2 boda;
 - c) od 21 do 50 trenutno zaposlenih – 3 boda;

d) preko 50 trenutno zaposlenih – 4 boda.

4. Broj osoba koje se zapošljavaju po programu:

a) do 5 osoba – 1 bod;

b) od 6 do 10 osoba – 2 boda;

c) od 11 do 20 osoba – 3 boda;

d) preko 20 osoba – 4 boda.

5. Vlastito finansijsko učešće u programu:

a) do 100,00 KM po osobi – 1 bod;

b) od 100,00 KM do 500,00 KM po osobi – 2 boda;

c) preko 500,00 KM po osobi – 3 boda.

(13) Poslodavci i fizičke osobe koje su koristile kreditna sredstva Federalnog zavoda za zapošljavanje, Službe i ministarstava u Vladi Kantona Sarajevo, a nisu ispoštovali obaveze u skladu sa zaključenim ugovorima (nisu primili radnike ili ne vraćaju redovno anuitete) ne mogu učestvovati u ovom programu.

(14) Aplikacije iz prethodnog stava se na osnovu navedenih kriterija u ovome članu vrednuju i utvrđuje se prijedlog liste aplikanata za učešće u pomenutom programu. Na prijedlog Upravnog odbora JU „Služba za zapošljavanje Kantona Sarajevo“ Sarajevo, ovu listu usvaja Vlada Kantona Sarajevo, a po usvajanju istih, direktor Službe, zaključuje ugovore sa aplikantima čije aplikacije za učešće u ovom programu su prihvaćene i eventualne anexe ugovora.

(15) Ugovorom iz stava (14) uređuju se prava i obaveze Službe i poslodavca, pravo poslodavca na izbor nezaposlene osobe i obavezu zaključivanja ugovora o radu sa osobama koje su bile obuhvaćene programom, obavezu pravdanja svih troškova, itd.“

Član 8j.

PROGRAM SUFINANSIRANJA ZAPOŠLJAVANJA DOKTORA MEDICINE


(1) Program sufinansiranja zapošljavanja doktora medicine (u daljem tekstu: Program zapošljavanja doktora), realizuje se zapošljavanjem nezaposlenih doktora medicine u javne i privatne zdravstvene ustanove sa područja Kantona Sarajevo, radi sticanja radnog staža.

(2) Cilj Programa zapošljavanja doktora je novo zapošljavanje i obezbjeđenje potrebne kvalifikacione strukture radne snage.

(3) U Programu zapošljavanja doktora pravo učešća imaju doktori medicine, prijavljeni na evidenciju nezaposlenih Službe, prije objave javnog poziva za ovaj program i dalje do potpisivanja ugovora o radu sa zdravstvenom ustanovom kojoj su odobrena sredstva za učešće u programu zapošljavanja doktora, a prema odluci i redosljedu Ministarstva zdravstva Kantona Sarajevo.

- (4) Služba će zdravstvenim ustanovama koje budu obuhvaćene ovim programom, mjesečno, u periodu od 12 mjeseci, refundirati sredstva u ukupnom iznosu od 1.300,00 KM po novouposlenoj osobi za dio isplate plaća i uplatu zakonom propisanih poreza i doprinosa.
- (5) Zdravstvene ustanove koje žele da učestvuju u Programu zapošljavanja doktora dužne su:
1. podnijeti aplikaciju u roku predviđenom u javnom pozivu,
 2. uz aplikaciju priložiti: rješenje o registraciji u Kantonu Sarajevo, uvjerenje o poreskoj registraciji sa identifikacionim brojem, uvjerenje o izmirenim obavezama po osnovu poreza i doprinosa ne starije od 30 dana od dana objave javnog poziva (izdato od strane Porezne uprave Federacije Bosne i Hercegovine), uvjerenje o izmirenim obavezama poreza na dodatnu vrijednost ukoliko je podnosilac aplikacije PDV obveznik (izdato od strane Uprave za indirektno oporezivanje Bosne i Hercegovine) i broj računa u banci (ako je poslodavac budžetski korisnik šifra budžetskog korisnika), sve u originalu ili ovjerenoj fotokopiji.
- (6) Zdravstvene ustanove koje redovno ne izmiruju obaveze uplate javnih prihoda ne mogu učestvovati u Programu zapošljavanja doktora, osim u slučaju kad zdravstvena ustanova ima potpisan ugovor sa Poreznom upravom Federacije Bosne i Hercegovine i Upravom za indirektno oporezivanje o uplati duga na rate u kom slučaju je zdravstvena ustanova dužna dostaviti potvrdu Porezne uprave Federacije Bosne i Hercegovine i/ili Uprave za indirektno oporezivanje ili uvjerenje da zdravstvena vrši uplate po potpisanom ugovoru.
- (7) Kriteriji za vrednovanje aplikacija su:
1. Javne zdravstvene ustanove – 4 boda,
 2. Privatne zdravstvene ustanove – 2 boda,
 3. Zdravstvene ustanove koje su bile korisnice programa sufinansiranja zapošljavanja u prethodne tri godine i koje su po isteku perioda sufinansiranja zadržale sve ili dio sufinansiranih osoba – 3 boda,
 4. Zdravstvene ustanove koje trenutno nisu korisnice programa sufinansiranja zapošljavanja koje finansira Vlada Federacije Bosne i Hercegovine, Federalni zavod za zapošljavanje i Služba – 2 boda.
- (8) Kod istog broja bodova prednost se daje zdravstvenoj ustanovi koja je prije podnijela aplikaciju za učešće u ovom programu.
- (9) Prijedlog liste zdravstvenih ustanova za učešće u ovom programu, na osnovu dostavljene liste od strane Službe biće sačinjen uz saglasnost Ministarstva zdravstva Kantona Sarajevo, a cjeneći stvarne pojedinačne potrebe za svaku zdravstvenu ustanovu pojedinačno.
- (10) Vrednovanje aplikacija se vrši na osnovu utvrđenih kriterija u ovom članu i prijedloga iz prethodnog stava, te se utvrđuje prijedlog liste zdravstvenih ustanova za učešće u Programu zapošljavanja doktora. Na prijedlog Upravnog odbora Službe ovu listu usvaja Vlada Kantona Sarajevo. Nakon što Vlada Kantona Sarajevo usvoji predložene liste zdravstvenih ustanova, direktor Službe zaključuje ugovore sa aplikantima čije aplikacije za učešće u Programu zapošljavanja doktora su prihvaćene i eventualne anexe ugovora.“

- (11) Ugovorom iz stava (10) ovog člana uređuju se prava i obaveze Službe i zdravstvenih ustanova, obavezu zaključivanja ugovora o radu sa nezaposlenom osobom sa punim radnim vremenom na period od najmanje 12 mjeseci, obavezu isplate plaća i pripadajućih poreza i doprinosa za zaposlenu osobu, obavezu pravdanja pomenutih troškova i dr.
- (12) Rok za realizaciju Programa zapošljavanja doktora je 18 mjeseci od dana potpisivanja ugovora iz stava (11) ovog člana, uključujući i eventualne anexe ugovora.“



Dostaviti:

1. Predsjedavajuća Skupštine Kantona Sarajevo,
2. Premijer Kantona Sarajevo,
3. Ministarstvo za rad, socijalnu politiku,
raseljena lica i izbjeglice Kantona Sarajevo,
4. Ministarstvo privrede Kantona Sarajevo,
5. Javna ustanova „Služba za zapošljavanje Kantona Sarajevo“ - Sarajevo,
(putem Ministarstvo za rad, socijalnu politiku,
raseljena lica i izbjeglice Kantona Sarajevo),
6. Evidencija,
7. Arhiva.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387 (0) 33 562-068, 562-070
Fax: + 387 (0) 33 562-211
Sarajevo, Reisa Džemaludina Čauševića 1

